




Republika e Kosovës
Republika Kosova - Republic of Kosovo

Komuna e Prishtinës
Opština Priština -Municipality of Prishtina



PLANI I VEPRIMIT PËR TRANSPARENCË



Përmbajtja:

Hyrje	3
Njoftimet për mbledhjet e Kuvendit të Komunës së Prishtinës dhe të komiteteve	4
Mbledhjet e hapura të Kuvendit të Komunës së Prishtinës dhe të komiteteve	4
Përgatitja e informatave pas përfundimit të mbledhjeve të Kuvendit të Komunës	4
Publikimi i procesverbaleve të Kuvendit të Komunës dhe të Komitetit për Politikë dhe Financa	4
Publikimi i akteve të miratuara nga Kuvendi i Komunës	4
Dëgjimet publike buxhetore	5
Takimet me qytetarë	5
Konsultimi i publikut para miratimit të akteve	5
Qasja në dokumente publike	5
Takimet e Kryetarit të Komunës me qytetarë	5
Përditësimi me informata i web-faqes zyrtare të Komunës së Prishtinës dhe platformës -Prishtinaonline	6
Prokurimi transparent	6
Transparencë e plotë në punësim	6
Hapja e të dhënave në dispozicion të qytetarëve – OPEN DATA	6
Aplikacioni mobil - E-shpenzimet	6
Njoftimi i qytetarëve nëpërmjet mesazheve telefonike	7
Infografikat	7
Shfrytëzimi i rrjeteve sociale	7
Qasje e shpejtë dhe transparente e qytetarëve në shërbimet digjitale	7
Sensorët për matjen e ndotjes së ajrit	7
Platforma digjitale për participim të publikut (qytetarëve)	8
Qytetari aktiv - E-inspeksioni	8
Transparenca në Kulturë	8

HYRJE

Hapja e Komunës për qytetarë e lehtëson transparencën e qeverisjes në Komunën e Prishtinës, llogaridhënien dhe pjesëmarrjen e publikut në procesin e vendimmarrjes.

Ne, në Komunën e Prishtinës, transparencën komunale e quajmë dimension jetik të qeverisjes lokale, në mënyrë që ajo të bëhet ashtu siç duan ta kenë qytetarët e Prishtinës, me qëllim që t'i besojnë asaj një qeveri demokratike, të hapur, transparente, efektive dhe efikase.

Përmes politikave dhe masave të marra, Komuna po bën përpjekje për të rritur efikasitetin, trajtimin dhe cilësinë e shërbimeve publike, ashtu që qytetarët ta rrisin besueshmërinë në qeverisjen lokale dhe besimin në atë se zëri i tyre dëgjohehet në Komunë.



Objektivat e planit të veprimit

1. Njoftimet për mbledhjet e Kuvendit të Komunës së Prishtinës dhe të komiteteve

Lidhur me njoftimet për mbledhjet e Kuvendit të Komunës së Prishtinës, Komitetit për Politikë dhe Financa dhe Komitetit për Komunitete, Komuna e Prishtinës i njofton qytetarët 7 ditë pune para mbledhjeve të rregullta dhe 3 ditë pune para mbledhjeve të jashtëzakonshme, siç është e përcaktuar në nenin 3, pika 3 e Udhëzimit administrativ nr. 01/2015, për transparencë në komuna. Njoftimet për këto mbledhje publikohen në web-faqen zyrtare të Komunës së Prishtinës, në platformën “Prishtinaonline”, në rrjetet sociale të Komunës, si dhe nëpërmjet e-mailit, duke i njoftuar mediat e shkruara dhe elektronike.

2. Mbledhjet e hapura të Kuvendit të Komunës së Prishtinës dhe komiteteve

Mbledhjet e Kuvendit të Komunës dhe të komiteteve janë të hapura për publikun, për zyrtarët monitorues të OJQ-ve që e përcjellin punën e Kuvendit, si dhe për subjektet e caktuara, të cilat janë objekt i diskutimit të ndonjë pike të rendit të ditës. Materiali i mbledhjeve të Kuvendit u dërgohet edhe zyrtarëve monitorues të OJQ-ve që e përcjellin punën e Kuvendit, por edhe të subjekteve të caktuara të cilat janë objekt i diskutimit në kohën e njëjtë me atë të asamblistëve, në mënyrë që të jenë të informuar saktë dhe korrekt për çdo gjë që do të diskutohet në atë mbledhje. Mbledhjet e Kuvendit transmetohen direkt për qytetarët nëpërmjet “livestream” në web-faqen zyrtare të Komunës së Prishtinës dhe shpërndarjes së tyre në rrjetet sociale. Në kanalën e Komunës së Prishtinës në “youtube” dhe në web-faqen zyrtare të Komunës së Prishtinës, do të publikohet me kohë arkivi i mbledhjeve të Kuvendit të Komunës.

3. Përgatitja e informatave pas përfundimit të mbledhjes së Kuvendit të Komunës

Pas përfundimit të mbledhjes së Kuvendit të Komunës, Zyra për informim është përgjegjëse ta përgatis lajmin rreth asaj se çka ka ndodhur në mbledhje, ballafaqimit të argumenteve pozitë-opozitë rreth pikave të caktuara të rendit të ditës, në mënyrë që qytetarët të jenë mirë të informuar. Lajmi publikohet në web-faqen zyrtare të Komunës së Prishtinës, në platformën “Prishtinaonline”, në aplikacionin mobil “Prishtinadigjitale”, në rrjetet sociale, si dhe dërgimi i e-mailit mediave të shkruara dhe elektronike.

4. Publikimi i procesverbaleve të mbledhjeve të Kuvendit të Komunës dhe Komitetit për Politikë dhe Financa

Pas përfundimit të mbledhjeve, Shërbimi i kuvendit është e obliguar të shkruajë transkriptin e mbledhjeve dhe në bazë të tij të përgatis procesverbalin. Procesverbalet së pari duhet të votohet në Kuvendin e Komunës dhe Komitetin për Politikë dhe Financa. Pas kryerjes së kësaj procedure, publikohet në web-faqen zyrtare të Komunës së Prishtinës dhe në platformën “Prishtinaonline”.

5. Publikimi i akteve të miratuara nga Kuvendi i Komunës

Të gjitha vendimet, rregulloret dhe dokumentet tjera të Kuvendit të Komunës, publikimi i të cilave nuk kufizohet sipas Ligjit përkatës për qasje në dokumente publike, bëhen publike dhe të qasshme për publikun pas vlerësimit të ligjshmërisë nga Ministria e Administrimit të Pushtetit Lokal (MAPL). Të gjitha këto akte publikohen në web-faqen zyrtare të Komunës së Prishtinës dhe në platformën “Prishtinaonline”.

6. Dëgjimet publike buxhetore

Në muajin gusht të çdo viti, Komuna e Prishtinës organizon dëgjime publike buxhetore me qytetarë, për çdo fushë, në mënyrë që të përfshihen qytetarët në procesin e vendimmarrjes për hartimin e buxhetit të vitit pasues.

7. Takimet me qytetarë

Udhëzimi administrativ nr. 01/2015, për transparencë në komuna, neni 6, pika 1, e parasheh që Komuna çdo vit duhet të mbajë së paku dy takime publike me interes të përgjithshëm. Komuna e Prishtinës do ta vazhdojë praktikën e njëjtë si të vitit paraprak, ku do të mbajë takime të shumta me qytetarë, diku mbi 40 takime. Në shumicën e këtyre takimeve pjesëmarrës është edhe Kryetari i Komunës. Këto takime mbahen në lagje të ndryshme, për probleme të caktuara, për infrastrukturë, siguri, arsim, shëndetësi, shkolla, çerdhe, hapësira publike e shumë tema të tjera të rëndësishme. Njoftimet për këto takime publikohen në web-faqen zyrtare të Komunës së Prishtinës, si dhe në platformën “Prishtinaonline”. Pas përfundimit të takimeve, Zyra për informim është përgjegjëse të përgatis lajm për këtë, ashtu që qytetarët të jenë të informuara për pikat të cilat janë diskutuar.

8. Konsultimi i publikut para miratimit të akteve

Komuna e Prishtinës organizon diskutime publike me qytetarë para miratimit të akteve që janë me interes për qytetarët. Rekomandimet e paraqitura nga ana e qytetarëve, shqyrtohen nga ana e ekspertëve të çështjes dhe pastaj ato rekomandime përfshihen në aktin, i cili dërgohet në Kuvend për miratim.

9. Qasja në dokumente publike

Për të qenë sa më transparent ndaj qytetarëve, Komuna e Prishtinës në web-faqen zyrtare të Komunës së Prishtinës, në menynë “Qasja në dokumentet publike” i ka të publikuara informatat e personave kontaktues për qasje në dokumente zyrtare. Çdo qytetar ka të drejtë të bëjë kërkesë për qasje në dokumente zyrtare. Formulari i kërkesës për qasje në dokumente zyrtare është publik në web-faqen zyrtare të Komunës së Prishtinës. Formulari dorëzohet në zyrat e Qendrës për shërbim me qytetarë (QSHQ). Të gjitha kërkesat për dokumente zyrtare, personat përgjegjës të QSHQ-së ua dorëzojnë personave përgjegjës për procedimin e këtyre kërkesave për qasje në dokumente publike. Të gjitha kërkesat trajtohen në mënyrë të barabartë dhe shqyrtohen sipas afatit.

10. Takimet e Kryetarit të Komunës me qytetarë

Kryetari mban takime me qytetarë sipas kërkesave të adresuara nga ana e qytetarëve. Çdo kërkesë e qytetarëve shqyrtohet dhe kontaktohet nëpërmjet telefonit për orarin e takimit, ose për zhvillimin e takimit me ndonjë person kyç të çështjes për të cilën ka bërë kërkesë.

11. Përditësimi me informata i web-faqes zyrtare të Komunës së Prishtinës dhe platformës “Prishtinaonline”

Web-faqja zyrtare e Komunës së Prishtinës dhe platforma “Prishtinaonline” plotësohen çdo ditë me informata, sipas Udhëzimit administrativ (MAP) nr. 01/2015, për web-faqet e institucioneve publike. Këto informata përfshijnë: lajme rreth aktiviteteve ditore, njoftime për takime publike, konkurse, projekte kapitale, raporte financiare, informata të drejtorive, udhëzues për qytetarë etj.

12. Prokurimi transparent

Komuna e Prishtinës në web-faqen e saj zyrtare dhe në platformën “Prishtinaonline”, i publikon me kohë njoftimet për kontrata, njoftimet për dhënien e kontratave, njoftimet për konkurs të projektimit, njoftimet për anulim, njoftimet për informata shtesë, si dhe njoftimet për anulimin e dhënies së kontratës. Po ashtu, Komuna e Prishtinës për çështjet e prokurimit, ka marrëveshje bashkëpunimi me lëvizjen FOL.

13. Transparencë e plotë në punësim

Zyra e personelit është përgjegjëse për publikim në web-faqen zyrtare të Komunës së Prishtinës dhe në mediat e shkruara, të njoftimit për konkurs, të listës së ngushtë për testin me shkrim, të listës për intervistë me gojë, të vazhdimit të konkursit dhe të anulimit të konkursit.

E-rekrutimi është platformë që mundëson aplikim "online" për pozitat e lira në Komunë dhe përcjelljen e procesit të rekrutimit për aplikacionet e kandidatëve që kanë aplikuar dhe numrin e pikëve të arritura.

Për çdo konkurs që ka të bëjnë me Drejtorinë e Arsimit, intervistat janë të hapura për publikun dhe, në fund, databaza me kandidatët dhe pikët e fituara publikohen në web-faqen zyrtare të Komunës së Prishtinës.

14. Hapja e të dhënave në dispozicion të qytetarëve – OPEN DATA

Përmes platformës “online” të hapjes së të dhënave ose “open data”, që është në funksion të transparencës dhe zhvillimit lokal, do të bëhet vizualizimi i të gjitha informacioneve të mbledhura nga drejtoritë komunale, me qëllim që këto shënime të përdoren më tutje në funksion të transparencës së plotë në Komunë dhe në funksion të zhvillimit lokal. Këto të dhëna do të jenë më shumë statistikore, sepse ky është qëllimi i “open data”, në mënyrë që të përdoren nga akterët për analiza të mëtutjeshme.

15. Aplikacioni mobil – E-shpenzimet

Aplikacioni për telefoni mobile (IOS dhe ANDROID versionet). Aplikacioni i cili shkarkohet dhe instalohet në telefonat e mençur mobilë, i cili tregon për lajmet me të reja nga Komuna, shpenzimet e Komunës të ndara në 5 kategori buxhetore (subvencionet dhe transferet, shpenzimet kapitale, shpenzimet komunale, mallrat dhe shërbimet, pagat dhe mëditjet). Në cilëndo kategori që klikohet, aplikacioni pastaj pasqyron ndarjen e asaj kategorie (shpenzimet) sipas drejtorive. Pasqyrimet janë në formë grafike dhe të prezantuara me vlera të shpenzimeve. Çdo lajm ose shpenzim që përditësohet në këtë aplikacion, ju dërgon notifikim në telefonat e mençur të gjithë atyre qytetarëve që e kanë të shkarkuar këtë aplikacion.

16. Njoftimi i qytetarëve nëpërmjet mesazheve telefonike

Sistem për dërgimin e mesazheve nga Komuna e Prishtinës për njoftimin e qytetarëve rreth çështjeve të caktuara.

17. Infografikat

Tabela informuese për Drejtorinë e Administratës, të Kadastrit, të Shërbimeve Publike dhe të Urbanizmit, e cila ofron të dhëna se ku duhet të drejtohen qytetarët, cilat dokumente u nevojiten për çdo lloj të vërtetimit ose dokumentit që lëshon Komuna. Tabelat informuese janë të shpërndara nëpër drejtoritë përkatëse. Broshurat po ashtu janë të publikuara edhe në web-faqen zyrtare të Komunës, si dhe në “Prishtinaonline”, në mënyrë që të rritet sa më shumë transparenca me qytetarë. Tabelat informuese nëpër drejtoritë përkatëse e zvogëlojnë mundësinë e korrupsionit, për shkak se çdo qytetar saktë e di se ku duhet të drejtohet për marrjen e shërbimit të caktuar.

18. Shfrytëzimi i rrjeteve sociale

Komuna e Prishtinës e ka të hapur faqen e saj zyrtare në “facebook” dhe “twitter”, ku i informon qytetarët për aktivitetet e Komunës.

19. Qasje e shpejtë dhe transparente e qytetarëve në shërbimet digjitale

Komuna e Prishtinës në qendër të vëmendjes e ka qytetarin dhe lehtësimin e qasjes së qytetarit në shërbimet që i ofron Komuna. Komuna i publikon në web-faqen zyrtare të gjitha informatat e nevojshme për qytetarë, në mënyrë që ai të pajiset me dokumente të caktuara. Janë publike: udhëzuesit, broshurat, si dhe platforma “Regjistrimi i procedurave administrative në Komunën e Prishtinës”, ku e informon qytetarin edhe për detajin më të vogël rreth pajisjes me një dokument të caktuar.

20. Sensorët për matjen e ndotjes së ajrit

Janë instaluar sensorët për matjen e ndotjes së ajrit në gjashtë pika kyçe të qytetit. Përveç parametrin aktual, do të pasqyrohet edhe norma e ndotjes së lejuar sipas rregulloreve të BE-së, në mënyrë që të krahasohen parametrat. Të gjitha të dhënat do të paraqiten në platformën “Ndotësit e ajrit”. Pas nënshkrimit të Deklaratës në Konferencën ndërkombëtare për politikën në luftimin e ndryshimeve

klimatike (COP 21) në Paris, në vitin 2015, ky projekt është në mbështetje të deklaratës dhe të koalicionit “Compact of Mayors”, ku 400 qytete janë zotuar për veprime konkrete në këtë drejtim, në mesin e të cilave është edhe Prishtina.

Qëllim kryesor i projektit është vetëdijesimi i qytetarëve në mbrojtjen e mjedisit lokal.

21. Platforma digjitale për participim të publikut (qytetarëve)

Qëllimi i realizimit të kësaj platforme është përfshirja e qytetarëve në procesin e vendimmarrjes. Nëpërmjet kësaj platforme qytetarët mund t’i paraqesin kërkesat për lagjet e tyre. Kërkesat të cilat e arrijnë një numër të konsideruar të votave nga ana e lagjes, shqyrtohen nga Komuna për mundësinë e realizimit.

22. Qytetari aktiv – E-inspeksioni

Aplikacion mobil, nëpërmjet të cilit qytetari mund të paraqesë kërkesën e tij gjatë evidentimit të parregullsive ose mosrespektimit të ligjit nga ana e Komunës së Prishtinës. Drejtoria e Inspeksionit pas pranimit të këtyre kërkesave nga ana e qytetarëve, merr masa të caktuara varësisht prej çështjeve.

23. Transparenca në Kulturë

Platformë e cila u mundëson institucioneve të pavarura kulturore të kryeqytetit, OJQ-ve, bizneseve, kompanive dhe individëve të aplikojnë “online” për subvencione, si dhe ta përcjellin të gjithë procesin e aplikimit.

